

اونجی ماده جزای نقدی ایله برابر اموال مسروقه استرداد و تضمینات
وساثره برلکده اوله رق حکم اوله سدیغی حالده اول باول اموال مسروقه
و تضمینات تحصیل اولور

اون برنجی ماده جزای نقدی و استرداد اموال مسروقه و تضمینات
و گذشته و مصارف سائریه دایر تنظیم اولان اعلامات قانونیه محکومک
امتناعی تقدیرنده حبس و قضیه تنفیذ اولور

اون ایکنجی ماده جنایت و جنحه یه متعلق مواده مأمورین ضبطیه
طرفندن کوز حبسنه التیق و جزای نقدی ترتیب اولمق و وقوع جنایت
و جنحه ایله حاصل اولان اموالی و یا جنایت و جنحه نک اجرا سنده مستعمل
اولش و یا خود استعمال اولمق او زره بولنش اولان اشیا یی بالخاصه ضبط
ایلك جزای دخی مشترکا حکم و ترتیب اولنه یلور

اون اوچنجی ماده دولتک یادا خلا یا خارجا اسایشنی اخلا ل اید، جک
جنایت و جنحه یه جرأت ایتمش اولان اشخاص قانونا تعیین اوله جق مدت
جزایه سنی تکمیل ایتد کد نصکره مطلق ضبطیه نظارتی التنده بوانور

اون دردنجی ماده ضبطیه نظارتی التنده بولمق دولتک تعیین اید، جکی
محللده اقامت اید، مامک و اقامت اید، جکی محلی و اورایه کیدنجیه دلکجه جکی
رلری کندوسی تعیین و بیان ایدرک یول تذکره سنه اولوجهله اشارت قلمق
اول محلله ورودنده یکر می درت ساعت ظرفنده و رو دینی حکومته
خبر ویرمه و اورادن دیگر بر طرفه کیده جک اولدیغی حالده اوچ کون
اول حکومته اخبار ایدوب مجددا یول تذکرسی الفیه مجبور اولمق
خصوصا رندن عبارت اولوب شرائط مذ کوره رعایت ایتمدیکی صورتده
اول کیسه برسنه دن زیاده اولماق او زره حبس ایله مجازات اولور
و قانونا لازم کلدکجه هیچ کیسه ضبطیه نظارتی التنه الماز